

童山詩集
二



童山詩集

(二)

李調元撰

童山詩集卷八

乙酉

送侍講周稚圭升桓分巡蒼梧

詞臣拜命到邊郵。一路旌旗當遠游。入直蘭臺碑影過。出巡梧郡瘴氛收。雪消遠嶂犀牛下。日落空城翅虎遊。遙想月明清興發。題詩應上大雲樓。

河橋柳色動驪歌。萬里離江繡幃過。此際西甌初奉節。當時北院共鳴珂。馬行驛路桃榔到。人過岑溪蛤蚧多。李白巖前倘相憶。涼風天末意如何。

讀祝芷塘德麟詩稿

我家岷之濱。柴門對江淨。哦詩二十年。空谷只孤詠。抗懷思古人。屈指嘗竊評。緬維炎漢初。文章我蜀盛。司馬與王揚。洪鐘破幽磬。祠壇列俎豆。萬古殘膏賸。子昂起射洪。高蹈寡聲應。感遇篇三十。丹砂金碧瑩。刪述志非夸。垂輝千載映。眉州蘇父子。玉局我所敬。大海揚鴻波。餘流空汀溼。後來頗落落。道古或差勝。斷獄老吏能。遺山集可并。有明三百年。升菴獨雄橫。百代爲牢籠。肯與何李並。其餘鄒無譏。數子獨遁勁。曰余生也晚。狂愚頗自命。少年走吳越。文藪林是鄧。豈惟飽名山。兼多縞紵贈。一自遊京師。名流交遍訂。

曹習菴趙甌北富詞藻吳冲之沈雪椒才華稱丹徒夢樓我之師趙損之宋小巖馳驅併程翁魚門氣無敵持議或倒柄當其掀髯時濡筆何豪興杰起有東海子穎俊鶻掃凌競天罰徹骨窮敝衣不掩脛明時盛文彥絡繹多唱賡遍識我不能爲坐健忘病憶昔初識君得朋良竊慶頗聞束筭多全豹窺未請握手不須臾歸思挂吳榜去歲曲江頭并馬日未暝又理南征帆春秋重親迎鴈去燕復來鳩喚婦寡顰今來同華省新詩獲細證秋水出芙蓉不歸晨粧靚餘霞綺滿天散作珠光孕遺音聞正始韶樂放淫鄭向日低頭拜今者刷目更嗟世曰蛙黽衆囂紛勃諍豈無獨彈者改絃不堪聽豈無錦繡段文理昧絲經長笑白贊元還疑韓譽孟溫李亦堆塚皮陸苦餽飣箇中知者誰局內自無憎鄉風敢云繼庶幾有獨醒大雅君扶輪前賢我作鏡君常爲羽翼我亦堪佐乘誰瞋巨靈掌一手湮河壖誰持照妖鑑遏斷邪魔徑僞體倘不裁風騷滅真性齊名誰側目主張須啄硬請君玩此篇知余言不佞

奉和祝芷塘德麟移居四十韻

啼鶯藏柳苑鳴鳳聚篁梢舊礙低門瓦新誅仄徑茅移雲先自牖得雨口從郊園剪青蔬嫩牕除碧草交喜無厖吠巷便有燕來巢簾捲湘紋裊帷褰細字抄預防低置榻先教遠安庖愛客陳遵飲譚文杜牧抓洗疊纔泛蟻題紙每蟠蛟蔣詡蒿原滿王猷竹未苞客來噴剝啄僧過話流泡博厭梟呼座基嫌敵在幃不能同木偶幸免聒金鐃靜獲安居樂幽占履坦爻何煩弋者視直遠俗人哂自子居初儼留余饌共烹婦能藏斗酒僮解釘盤肴登壁巾常挂揮塵塵屢籍紛紛抽妙思切切似同胞蠅止誰能亂鷄鳴自聽嚶

銜連南北住。戶待晚晨敲。癡僕扶牆寐。饑兒隔屋咬。有詩呼共和。無語不相調。鶴故聲聞野。麋原巧脫罟。得緣隨地占。投契實天教。羨爾幽栖好。慚余溷世淆。蘇牀移雨漏。杜屋爲風颭。耳爲隣街沸。心因湫隘傲。人看多常櫟。我繫亦如匏。再徒身無定。三遷意未忒。翻隣豚在笠。頗類雉羅罟。却憶南村屋。常環北舍茭。春花離自爛。秋稻刈非磽。終喜山邨僻。何嫌地勢顛。自來居共邸。却似處同櫟。聚怕行分袂。狂多起舞綃。卽看槐蔭密。遠映竹枝纓。問菜思黃獨。包餐想綠筍。淵明松菊廢。甫里釣船拋。他日林園去。寧辭築囿勦。

挽易州牧李文耀芟裳繼配烈婦氏覺羅安人

柔腸成鐵血成丹。易水蕭蕭日色寒。不使荆軻獨千古。女中又見白衣冠。

送編修諸桐嶼重光出守辰州

冊府仙郎駕五騶。一麾出守下瀛洲。金鸞侍草推高第。銅獸專城領上游。日落掛帆雲夢澤。春深攜酒岳陽樓。紅梨却憶校書日。滿目丹霜大楚秋。

送虞部趙檢齋璣師出守衛輝

紗帳芳筵錦不如。欣逢拜賜虎符初。尊前近接春生坐。境內遙占雨逐車。院北他年遷五雉。關西此日象三魚。董帷叨受傳經列。欲訪春秋舊地輿。昔歲登瀛動帝京。今膺劇郡領專城。一朝列宿承新命。十載冬官舊有聲。渡口烟深淇水暗。城頭雨霽太行明。獨憐祖席褰帷外。不盡當年絳帳情。

贈李桂官

一曲當筵曳碧霞。綠腰按罷月初斜。黃昏客散歸何處。米市街西第二家。
湘簾不捲坐敲碁。斜對疎櫺有所思。門外輪蹄聲漸歇。錯疑人到叩環時。
霓裳罷舞駕輕輪。笑入紅樓索酒巡。飲到玉山扶醉去。春光又屬別家人。
醉帶朱顏倚竹床。冰紋衫子透颼涼。分明百尺銀河水。斜挂紅霞一縷長。

七月廿三日陳六邀同侍御劉乙齋天成編修劉雲房樞之芮鐵厓永肩檢討張鶴林霽蕭蘭圃芝
員外孟鷺洲邵主事姜松亭錫嘏遊王家園

結伴出城隅。勝遊得賢主。機舟集羣彥。攜榼臨芳澚。久不到郊坰。秋色已如許。乍聞蘆葦風。一似昨夜雨。
昏昏塵夢中。破此一聲櫓。樹影搖水光。半裊游絲縷。野鷺雜家雞。颺翅滿晴渚。沙禽知讓客。飛去鳴深浦。
遠近起漁歌。炊烟動人語。十里聞雷鳴。百丈飛泉吐。樵閭何砰磅。誰觸蛟龍怒。復見好澄潭。相與互庭埭。
岸草侵長虹。荒烟幾村聚。深碧誰家園。鬱鬱林之塢。翠蘿啼百鳥。數步得朱戶。破蘚走青蛇。頽墻竄蒼鼠。
昔時神仙窟。薰天競歌舞。勸客羹駝蹄。管絃日淒楚。豈知榮枯異。美人化黃土。至今雕檻間。猶餘篆香炷。
我來拔劍歌。激越梢林莽。側身視青天。白眼弔前古。散髮外形骸。醉語咋同侶。大笑謂吾輩。此遊當再補。

傅雯畫鷹歌

大野秋高塞草枯。狐兔狡捷紛當途。凜凜鋒鏑十二翮。胡爲不擊來吾廬。細觀素練畫作殊。條鏃猛腦不

可呼。傳雲妙筆天下無。行年七十皓髭鬚。猶能上馬左右射。眼光炯炯如元珠。朝來落筆風霜起。勁氣直與蒼鷹俱。獨立杈枒吁可畏。攫身天地無全俘。飽不颺去何其愚。得毋養之如布乎。看君醉筆良非粗。詩成爲我千壺沽。

九日陶然亭登高和編修曹習菴仁虎元韻

佳句爭傳濕粉牆。新添韻事入重陽。君詩有穿荻小車疑坐艇。出林高閣當登山之句。爲陶然亭杰作。一時傳誦。城中客散看花地。野外人歸打稻場。滿院風聲吹菊紫。一汀鷺影對葭蒼。吾儕痛影何須計。莫教啣杯却憶鄉。

聞永清丞陳蘊山琮署永清令

何必定登科。只須早爲官。何必居顯職。只須不素餐。陳子不羈人。飛驥汗流丹。副車真誤中。一擊如報韓。昨者到京華。暫駐爲盤桓。贈我綈袍貲。爲憐范叔寒。今者元方來。欣聞慶彈冠。爲言眉上黃。欲學河陽潘。君看劍花暈。洗濯驚龍蟠。豈有新發矍。操刀割雞難。人生無良朋。何處吐心肝。倘有絃歌聲。吾將採輶軒。奉和祝芷塘德麟移居接葉亭詩并序

亭爲湯西厓先生故居。小有林泉花鳥之勝。芷塘徙居有詩。謹疊前韻。敍相知之雅。道過從之歡。有懷輒書。語無倫次。時六月立秋前一日也。

年來頗怪卜居頻。聞檢園林別有春。接葉烏窺攜酒客。隔花犬吠乞詩人。天留別館容才子。地敞高軒絕

俗塵只恐吟成愛。遙贊定教槌脚代眠身。
萬瓦參差甲第雄。潭潭各據幾人同。百年人物思詩老。一旦天緣付史公。得句每從朝退後。著書多在宿
齋中。笑君萬卷閑身擁。文字何殊困蠹蟲。
何須結構起重巒。疊石疏池已足看。屋上好鳥惟我愛。簷前怖鴿待君安。麴公自羨朱門暝。杜甫常愁白
屋寒。莫向石欄常晚坐。瘦軀應袪露珠團。
泉石平生野性宜。烟霞痼疾未全醫。每從郊外看雲去。閒步街頭對月遲。天意寄君真似磨。人間著我亦
如碁。何時笠澤烟波路。同與漁翁訂夙期。

芷塘有詩再疊前韻

藥裹書籤寄跡頻。竭來深巷度秋春。敢爲林下歸田計。却似湖中汎宅人。萬里家山門爪雪。九衢燈火馬
蹄塵。未能擺落輕紅去。只爲官閑可寄身。
憶昨登瀛說兩雄。頭銜謬許武文同。榜下好事者。以杜詩將軍不好武。稚子總能文。爲吾二人讀。故云。君
方醉似嵇中散。我亦狂如蓋次公。百歲幾人巢幕上。一時諸子入禪中。不知螺蚌因何事。空殼年年許寄
蟲。

幽齋靜對影欒欒。想見窻前展卷看。有客從遊如蔣翽。無人高臥似袁安。今年燕語新巢暖。往日龜言舊
地寒。待到菊花重九放。來看蛺蝶鬧成團。

怪君癖性獨居宜。真是膏肓不可醫。小屋打頭伸已慣。高樓半臂送常遲。書成逸品還臨帖。奕爲孤高懶着棋。聞道墻頭多擲果。莫因迴避誤佳期。

三疊前韻

閒居使我往還頻。亭館無多總貯春。每怪幽居如處子。從來良友比佳人。小山作賦堪招隱。秋水爲文不受塵。底事相過便泥飲。醉鄉雖小足容身。

高齋養酒論羣雄。屈指樽前幾箇同。若問莊荒寧陸氏。芷塘禮闈出昆陵。趙雲松先生門下先生出闕。有我亦莊荒敢取盈之句。至今門立憶程公。一簾草色疎烟外。三徑苔痕淺雨中。却憶丁香舊池館。飄零無主咽秋蟲。癸未余房師爲夢樓先生。丁香館先生舊居也。

爲問蕭蕭倚笛巖。海棠花發共誰看。同時止酒師彭澤。異代論詩到建安。雨屣送僧蓮寺近。夜爐留客竹牀寒。相逢細話長安事。慣聽松風試小團。疎狂豈是合時宜。愚拙由來藥不醫。官味差同熊掌欲。生涯悔食馬肝遲。愁懷曲似牽羅帶。歡味殘如已算棋。九萬里風安稅駕。鵬程雖遠與君期。

四疊前韻

茅屋新詩賦出頻。果然巴客和陽春。吟成河北壇中句。格鄙江西社裏人。琴本無絃常挂壁。瓢常有酒不栖塵。獨彈古調無人識。疑是青蓮作後身。

跋扈飛揚誰最雄。狂歌痛飲余能同。獻書不作妄男子。作賦何妨亡是公。習氣銷磨歲月裏。抗懷嘯傲烟霞中。試看長鳴曷旦鳥。絕勝得過號寒蟲。城南誰氏建雕欒。休退空懸宅畫看。醉裏功名付桑落。夢中富貴總槐安。鳳栖只愛桐枝好。馬老方知豆葉寒。爲樂及時須記取。爲君指破舊疑團。噴鼻文園病酒宜。邇來牛鬪不須醫。客噉晨臥門敲久。妻怪天寒釀熟遲。每欲偷閑思運甓。何須詭智託圍棋。齊名莫怪旁人妬。珍重聲華萬古期。

雪後與王貽堂

燕緒

步陶然亭抵暮方歸得上字

城市如鷄栖。並驚思俯仰。幽人有佳興。忽作出塵想。遙指城南亭。嚴寒久不往。及此雪初晴。招攜覓清賞。拄笏對西山。村樹何蒼莽。所恨曉霧蒙。未放孤峯朗。其東有危剝。徑造不須杖。何年風拔屋。空餘古佛像。聯步大野中。始覺天宇廣。一一飛鴉還。時時落木響。微陽下白屋。返照蒼苔上。雖未愜幽探。頗快心目爽。誰人肯共來。今者只我兩。妙意忘形骸。道言互開獎。却笑夢中人。昏然墮塵塊。

奉和相國尹望山先生繼善晚香園雜咏用杜工部遊何將軍山林韻十首

人傳丙作相。天賜午名橋。里本居青甸。官原傍紫霄。三朝身更健。八督勅初招。竊喜平泉近。無嗟絳帳遙。東閣金甌卜。西園玉署清。老棲阿閣鳳。歡動上林鶯。夜火談藜杖。晨廚試御羹。遙知退食罷。扶杖便吟行。潞國神如故。溫公樂不支。黃扉初賜第。綠野盡穿池。捧日丹心久。憂時白髮知。嘉謨將入告。隔夜牘頻披。

總以人爲樹。都驚眼不花。有才呈必驥。無足不添蛇。鼎內陰陽燮。壺中日月賒。擁書千萬卷。不數鄴侯家。
制府東南久。延賓館閣開。評詩收沈宋。得士比歐梅。山愛棲霞去。門容野鶴來。謂袁子才紗籠題壁處。積久不生苔。

爲近恒春苑。常添太液泉。花堆三品石。柳放一春綿。身作中朝柱。囊無外任錢。蒼生遙共祝。但願福如川。
並少同年在。真成晚節香。位高心愈下。處熱意偏涼。御製常催和。奇書出舊藏。總因圖報國。忘却鬢毛蒼。
芝蘭皆國器。玉樹繞天池。謝傳臨棋局。山公倒接羅。進宮容跨馬。下殿許扶兒。我本登龍客。還思御李隨。
鳳翽朝陽日。龍翔集景雲。英才原樂育。器識必先文。公奉命教習庶吉士。甫到館。卽以士先器識而後文。藝爲訓。時推名論。蠟燭三條限。蠻箋十樣分。芳菲承雨露。揆藻競繽紛。

文章師賈董。宗主得荀何。夜雪門前久。春風坐上多。股肱諧喜起。元首載賡歌。從此休光炙。論詩得屢過。

哭亡兒汪官用東坡哭幹兒韻二首

自我來京師。前後得兩子。洗盆見頭角。嶄然已俱似。後得半月殤。年未登家史。最先得汪官。譽兒真不恥。
時時不離膝。攬鬚迎笑喜。我每自外歸。排門便呼爾。豈知三月病。亡纔兩歲耳。哀哉痛入骨。那禁淚如水。
維時正除夕。別歲我已忘。臨晨請禱回。兒已奄欲亡。病妻抱而泣。一慟起扶床。猶待分壓歲。蜀人年終。以紅繩穿錢繫諸兒襟帶間。謂之壓歲。牽衣始仆僵。庸醫坐滿室。脈理何能詳。安得飛蓬島。爲覓回生方。竟隨二豎去。使我裂中腸。圖殯復何益。空令此心傷。

再用東坡次葉濤見和詩韻

我兒喜弄書。不識亂翻耳。倘長誦六甲。定驚裴長史。卽今任拈筆。塗抹不禁爾。他時草凌雲。要當屬此子。豈意緋衣召。已與長吉似。早知命不延。功名亦逝水。但留吾憤在。農耕亦足喜。何必定讀書。力食未爲恥。汝母久病脚。常抱兒臥床。自兒捨母去。母病奄欲亡。強起理葬車。中野遙相望。倚門思我兒。狀貌記不詳。我欲挽慰之。未慰先自傷。况汝父素羸。能不俱斷腸。繞膝不見兒。仰天號欲僵。歸來見遺物。愁思忽無方。

感興二首

起草金鑾氣吐虹。孤鰥人說坐深叢。大鵬已看翔雲外。小鼠何勞鬪穴中。身後茫茫頻問卜。目前咄咄只書空。歸來萬卷縱橫甚。自此全教付蠹蟲。從今閉口再休談。世事經過徹底諳。失意韓樊羞等伍。得時韋杜近魁三。心知朱紫傳聞懼。話到青藍授受慙。若道文章原有價。向來落筆頗思覃。

明妃出塞圖爲編修祝芷堂作

漢選明妃入掖門。寧知三載未承恩。臨行尙得君王顧。空望瑤階拭淚痕。蒙塵遠適呼韓國。雲垂四野陰山黑。貂裘匹馬真可憐。執轡胡兒掀帽立。和親此去委胡塵。絕域難逢內地人。相隨只有宮中月。猶向天涯照妾身。從來艷色偏招妬。當時悔不千金賂。自倚蛾眉絕代無。此生竟被丹青誤。曉來邊雁叫離羣。聲斷琵琶不忍聞。青塚有魂歸不得。淚灑巫山十二雲。

王荔裳國梁將之趙州送別得來字
自笑奇狂亦自哀。相看懷抱向誰開。宦途似我何時達。知己如君幾日來。白壁自當歸趙地。黃金應更憶燕臺。莫教壯志銷磨盡。盛代方需濟世才。

丙戌

和程芷南湘席間見示舊作韻

共對青燈語夜深。雲山相憶幾光陰。知君珠玉多新語。爲我宮商誦舊吟。韞匱好沽求價寶。空囊已盡結交金。相逢細說年來事。莫怪危言欲正襟。
落日春城伴侶稀。欣逢佳節感芳菲。酒腸別後嫌君仄。詩骨從前悔我肥。頭上花枝晴壓帽。暗中柳汁早污衣。請看燕子來媒日。借得東風便試飛。

沈利羊毫筆歌

沈利作筆世無雙。截玉爲銛銳莫當。貯雲藏霧纖毫裏。出手肅肅生秋霜。從來羊鬚埒不得。無乃叱自初平石。山間老穎不敢窺。疑是金華洞中客。制成作字如飛龍。學士珍重藏裘鍾。我道宜行不定楷。只作柔毛問價買。

芷塘以醉蟹見餉率賦三十韻

休沐苦逶遲。退食常頓憊。未得半晌歡。能謀幾箸噉。結思蓴鱸久。素嗜魚蝦最。朝飮食指動。夜獲朶頤卦。故人知我饑。使者餽予拜。輪囷出尖團。郭索露桓介。執穗罷朝魁。登簿已親酌。擊去蘆花籩。攜來椒葉盞。乳融白玉化。殼壓青銅敗。沫冷餘夜霜。臍暖含春霽。纔分半勺啣。先貪一嚼快。鎔腹未成沙。鏤酥不用膾。江風入座腥。河雨傾槽沛。簇簇釀橙餘。昏昏夢稻外。真堪甕下臥。絕勝門前掛。想常伴月居。夙凜聞雷誠。敵虎氣何猛。夾蛇才亦大。兩戟終成降。五鼎遂蒙害。怒目竟何爲。橫行定誰賴。輸與採捕郎。擔作街衢賣。納於皆醉中。使爲獨醒戒。緣知途太艱。始覺世愈隘。嗟予墮名網。類爾一冠帶。蟹一名冠帶。但並少微官。熱空多密友。怪孰肯見餽。遺今乃獨沾。匄臨愁恣細酌。斫雪助粗糲。兩手持有餘。一洗愁無奈。豈唯遏酒渴。益用搔詩疥。太元徒紀揚。爾雅亦誤蔡。短篇有微詞。留待識者會。

遲荔裳不至

西窗特爲故人開。百種忙時亦暫廻。爲報月輪休更照。今朝幽屋有誰來。

送王荔裳國梁歸錢塘六十韻

曉來忽黯然。月挂河橋樹。蕭蕭薊門柳。故人從此去。憶昔識君時。各抱國士遇。瓊枝亂草中。秀穎茁天趣。有如對醇醪。未飲心先醉。看君氣凌雲。宜直承明著。暫爾息鵬飛。知非子所怒。相與纔浹辰。白駒已難駐。飄然趁飛鴻。一別淚如注。頗聞客吳苑。扁舟蕩容與。復聞滯舒城。寒氊坐蔬茹。三年秋雨中。夢斷鶴廳署。今春闢禮闈。奇才復飛翥。白袍如鵠立。佇望列子御。遲遲獨不來。愴悅難爲據。童僕忽傳呼。行旆城南住。

塵昏街鼓晚。排闥入門遽。未得通寒溫。先喜顏色故。爲言去後思。正如君所慮。連歲涉風波。餬口未曾餽。大樽浮江湖。豈是五石瓠。兩見厄登門。竟成涸轍鮒。何處覓黃金。空餘一紙賦。不逢伯樂過。何能逞騏驎。失志誰當羞。額蹙無所措。我本金閨彥。同隊日相响。鳳池不使居。文字吹毛覩。剪翅送樊籠。問爾欲何作。巷南與巷北。比隣不數步。分韻占鶴鳴。調琴薦蛇跗。夜燈抄岐伯。午醒烹日鑄。邇來掃東閣。懸榻爲徐孺。有子通一經。十年纔就傅。惠然許我來。丹鉛點訓詁。豈唯蛾子術。益得他山助。人情憎太熟。世眼逐修嫺。所謀百不遂。更遭飛語妬。對面皆仇敵。豈免瑕疵懼。以此中夜嘆。心事紛若絮。富貴雖浮雲。守株安冀兔。功名雖聽天。奮飛難逐鷲。矧見梧葉殘。松菊思荒圃。旣來不須臾。又欲了嫁娶。安得霍子高。苦勸公無渡。離合本無常。萬事來胸臆。嗟吾漸衰耗。早覺日不如。才得升斗供。已屬形骸雇。只如辛苦蟲。那似風標鷺。文繡非所願。所貴沒世譽。喜君有傲骨。氣性出天付。聲勢一觸目。對之貌如塑。天涯誰知己。一諾重季布。人心真如面。要在金石固。知子磨不磷。豈復畏鼎鑪。今君何不惜。一帆借舸艣。驛樹遙相望。烏帽沒復露。西湖佳麗地。梨花青旗沽。回頭應念否。嚶嚶求友聚。勉爲踏歌詞。聊以當餽賂。夜雨聽何時。北風但延俟。移居看雲樓。樓爲梁家園特勝。同部郎中劉竹軒秉恬有詩因和其韻。題曰看雲者。余家樓原名也。信是遷喬出谷幽。林塘勝處價難酬。垂青莫嘆來過少。滴翠偏憐往事悠。樓爲李少農故居。名滴翠園。今皆圯廢。霜倒菊花全覆砌。風凋梧葉半侵樓。旁人若問思家意。爲說癡人記刻舟。

題采桑圖

春樹芸芸三月暮。東疇西陌皆桑樹。春蠶蠕蠕眠正饑。童稚相攜采桑去。大兒登梯剪青葉。老翁仰面兜衣接。小兒上樹捷且便。下有人欹荷擔立。桑底兩兒未知事。或坐或立牽衣戲。日落鳥啼人未歸。樹影橫斜亂青翠。田家蠶事一春忙。贏得枝頭綠滿筐。安得此圖掛琴堂。無奪民時桑與秧。

送編修趙雲松異出守鎮安

玉堂揮翰究推誰。二載螭頭四海知。自古詞臣多出守。況今才子最能詩。枕榔樹底行苗步。薜荔門中謁柳祠。莫遣瘴烟侵鬢髮。他年燕許候摛詞。

送侍御王德圃啓緒巡視南漕

臺臣啣命理漕舟。驄馬臨江氣似秋。天賜一旌巡衛水。風高千艘下揚州。紅橋多爲催糧泊。綠樹何妨載酒遊。聞道官梅動詩興。可能折贈一枝不。

丁亥

病脚

吾年三十五。諸病嘗幾遍。四體苦針灸。所仗足輕旋。邇來亦不赦。躑躑難自便。始如炊甑蒸。漸似爐鞴煽。瘤癭忽生脛。曳輪傷折趼。雨氣爍如膏。除風攢冷箭。瞋盪溫裂裳。包裹費殘絹。扶攜乃一顛。匍匐就三咽。祇可坐叅禪。豈堪趨高宴。以此深閉門。時獲親書硯。椒艾雖日佩。香多價亦賤。薰澆刻不停。脚跟終不轉。

但恐甲煎淺。無助馨烈薦。何如室有蘭。氤氲長弗厭。君看捷足者。得毋稍健羨。紛紛奔馳中。鈍骨何由變。書此以自警。庶免流俗見。

奉和少宰何念修逢傳堂廳藤花詩

清絕人間占一枝。風流前後此軒墀。藤花爲前明吳匏菴先生手植。先生有咏藤花詩。紅英皂莢紛垂日。想見先生坐判時。

鶴廳會長六卿班。花月清談總未閒。今日風光誰管領。人傳啓事舊推山。公以選郎直遷少宰。前此未有也。公有句云。曾從粉署爲郎日。看得冰廳啓事時。人傳爲佳話。

清珠何似似含苞。璀璨尊尊葉暗交。斜掛紫雲如尺蠖。因風走上老槐梢。

花欲留香接藥欄。曉烟翠幄戀輕寒。也如宋相當年事。金帶圍邊好共看。今年藤花開最久。直接芍藥之盛。

秋海棠和徐大德元韻

嫩蕊嬌愁傍畫牆。幽人移玩坐匡牀。半酣只爲風情醉。不睡多因露氣涼。簾捲恰宜苔蘚綠。杯啣能佐菊英黃。縱饒春放垂絲好。那似孤寒氣味長。

戊子